

Entrevista direta ho Kandidatu Prezidente Repúblika Sr. Dr. Francisco Guterres Lú-Olo

SE DR-Lu-Olo, ida ne'e mak ba dala tolu ita boot kandidata an ba PR, pergunta, saida mak sai ita boot nia motivaun prinsipál hosi kandidatu rasik iha eleisaun ida ne'e.

Bom, ha'u nia kandidatura ba PR ba dala tolu duni, dala rua uluk, ha'u sempre manán iha primeira ronde no lakon iha segundu ronde kuandu ha'u lakon iha segundu ronde, ha'u intende, ha'u komprende liu tan prosesu demokrasia iha ita nia rai.

Durante tempu ida ne'ebé ita hotu akompaña ukun, no mós órgaun soberania hotu nia lala'ok, ha'u sente dala ida ne'e tan ba ha'u atu kandidatu tan para bele kompete ba eleisaun prezidente ba dala tolu.

Laiha problema, absolutamente nada, bainhira kandidatu ida atu lakon ba dala rua ka dala tolu, mezmu ke atu bele dehan lakon dala sanulu dezde ke kandidatu ida determina nia an para atu bele sai servidor de estado ida, di'ak liu tan nia kandidatu nia an. Ha'u hanoin nein lei ida, konstituisaun ida fó limite liu hosi nia lakon dala ida.

Entaun ha'u tuir de'it saida mak konstituisaun ho lei sira hateten katak ha'u bele kandidata an ba dala ida tan par bele kompete hodi sai Prezidente da Repúblika iha Timor-Leste ba tinan 2017-2022.

Ora motivu, saida mak bele lori ha'u par atu kandidatu ha'u nia an par atu sai Prezidente da Repúblika ? motivu boot i luan. Hakarak atu hateten ba telespetadores sira katak ha'u ema ida ne'ebé halo ain fatin ketak durante ha'u nia vida tomak hamutuk ho ha'u nia maluk sira ne'ebé ami luta durante 24 anos iha ailaran par atu bele hetan independénsia ba rai ida ne'e.

Ha'u nia konsiénsia hametin iha momentu ida ne'ebá, par hatuur estado ida, atu hatuur RDTL iha nia fatin, ne'ebé hahí povu ne'e nia vontade rasik, katak liu hosi demokrasia ho liberdade, nia eskolla hosi povu rasik hodi sai nai ulun.

Kamarada Lu-Olo, Lider polítika ida ne'ebé simples, low profile, veteranu ida ne'ebé matenek, dala barak la kria polemika polítika. Agora, ema barak iha Timor gaba teb-tebes ho postura polítika ita-boot nian. Maibé iha parte seluk mós, ema preokupa katak dala barak kandidatu PR hetan dominasaun hosi nia sekretáriu jerál rasik DR. Mari Alkatiri. Preokupasaun ida ne'e loos ka lae?

Bom, preokupasaun ida ne'e falsu, par atu hateten ne'e falsu totalmente. Kuandu ema nia preokupasaun hanesan ne'e, sira bele intende ema nia postura polítika, ema nia atitude, ema nia própriu sentimentu, ne'e par halo interpretasaun oi-oin.

Entaun kuandu ema ida, para sai PR nia iha knar. Primeiru pontu, nia tenke komprende saida mak knar estado, O estado na sua totalidade, estado ida republikana, estado ida iha estado republikana ida nia laran mak ita hahí vontade povu nian para hili, I, liu hosi ida ne'e duni mak ita kria órgaun de poder polítiku, ne'ebé kada ida-idak iha nia kompeténsia ho nia funsoes, maibé hotu-hotu tenke koopera malu.

Nee mak bai-bain ha'u sempre hateten, katak PR bele iha kompeténsia rasik, bele mós iha kompeténsia kompartilhadas, ou partilhadas portantu ho órgaun soberania sira seluk. O que significa de separasaun de poderes do órgaun soberania sira seluk, la signifika katak ema ida ou órgaun seluk ida tenke domina órgaun seluk ida.

Kandidatu PR, iha tinan lima ba oin, ita-boot sei lidera Timor-Leste, bainhira eleitu nudár PR, ha'u hakarak hatene, saida mak sai hanesan vizaun prinsipál nudár PR?

Prontu ne'e pergunta ida ne'ebé importante no kontekstual ba situaun polítika ida atuál. Ha'u hakarak atu hateten katak ita tama ona iha faze polítika foun ida, ne'ebé ita hakarak atu konsolida ita nia demokrasia, I reafirma ita nia própriu vontade kolektivu ida para hala'o ita nia desenvolvimentu iha ita nia rai.

Iha tinan hirak ne'ebé liu ba kotuk, ida ne'ebé lakon, tau iha fatin ida ne'ebé lakon, ida ne'ebé manán, ninian tomak hotu. Agora ba própriu ha'u nia kandidatura, atu sai hanesan PR, ha'u hakarak mak hanesan ne'e, PR ida ne'ebé hatuur an hanesan PR, hodi kumpre hotu nia kompeténsia konstitusionais, ou legais ne'ebé mak iha, nia tenke iha relasaun dí'ak ho Governu ida ne'ebé forte, competente par hala'o dezvoltimentu.

Ha'u hakarak mós, katak PN nia deputadu sira labele tama hosi odamatan ida ho sira nia diferensia, no sai hosi odamatan seluk ho sira nia diferensia, maibé, tenke iha responsabilidade tomak par bele buka diálogo nafatin. Diálogo par atu hetan konsensu ida ne'ebé dí'ak, par hodi bele lori I serve estadu ou serve ita nia povu Timor-Leste ne'e nia interese tomak.

Tanba ne'e mak ha'u hare katak ha'u nia kandidatura, sai kandidatura ida ne'ebé atu bele halibur lider sira seluk hotu. Ha'u iha kompromisu ida, katak ha'u sei halibur ami sira be lider katuas sira ne'e hotu.

Em a barak hare katak bainhira iha unidade nasonál iha governasaun, ne'e bele hafraku demokrasia, katak sei laiha oportunidade ba opozisaun. Nudár PR, saida mak ita boot sei halo atu asegura katak hamutuk ida ne'e sei la hamate demokrasia iha TL?

La hamate, la hamate demokrasia. Antes, Pelu kontráriu atu haburas no hametin liu tan demokrasia iha ita nia rai. Portantu debate ne'ebé iha, debate presupoin portantu idea kontráriu kona-ba asuntu ruma ne'ebé ita hakarak atu debate, a ora, debate entermu de demokrasia la lori ita hotu-hotu par ba atu sai ba ho nia diferensia rasik.

Debate, normálmente ita buka atu bele ita hetan dalan loos ida par bele lori ba oin. Ha'u iha esperiéncia rasik iha Parlamentu Nasionál ida uluk ne'ebé ha'u tuur iha diferensia sira nia leten, maibé liu hosi diferensia ida ne'e, sempre hetan nafatin dalan ida par bele hetan lori prosesu lejizlasaun ou lori prosesu polítiku sira seluk ne'e sempre hetan nia dalan.

Portantu, ha'u nia kandidatura ida ne'ebé kompromete portantu ho unidade nasonál nao significa uma unidade ida ne'ebé dehan katak monolitika, (maibé) uma unidade ne'ebé mós prekoniza nafatin ka defende nafatin demokrasia e diferensia portanto de ideia. Maibé lori diferensia sira ne'e atu bele hetan dalan par atu bele lori ita rai ne'e ba oin.

Iha lei Eleisaun, hateten deputadu ida bele lakon nia mandatu bainhira nia kontra nia bankada nia desizaun, no ema dehan ne'e kontra demokrasia tanba ida ne'ebé iha forsa boot sei obriga sira (deputadu) sira ne'ebé tuir nian atu halo tuir boot nia hakarak. Oinsá PR DR.LU-Olo bele asegura katak frakeza ne'e labele akontese?

Bom, ha'u sempre dehan demokrasia sempre buras ba nafatin, kuandu lei Parlamentu ida ne'ebé Parlamentu nasonál aprova ne'e dehan katak deputadu ida kontra nia própriu bankada dehan katak atu sai, olha, nee lei Parlamentu Nian. Nee nao significa negacao ba demokrasia. Antes pelu kontráriu, nee e própriu reforsa de uma demokrasia atu par bele la'o ba oin.

Purtantu deputadu sira iha ne'ebé kumpre de'it saida mak lei hateten ba sira dehan katak atu tama ka atu sai ne'e lei. Lei por mais atu sala ne'e lei, anaunsérke PN iha tempu oin se hakarak atu halo revizaun, purtante ba lei nee hodi hadi'ak fila fali. Mais enkuantu seidak halo revizaun, lei e lei.

Kona-ba Responsivu ba jéneru. Kandidatu rasik iha vizaun kona-ba promove no partisipasaun fetu no ema vulneravel sira iha prosesu harii estadu?

Bom, ha'u hanoin ne'e importante teb-tebes. Ita bele ko'alia tutan tan nafatin ba demokrasia. Ne'ebé ha'u rasik hakarak duni. Tuir ha'u nia hanoin, presizu PR ida ne'ebé bele halo abertura para atu bele halo diálogo par hodi bele hetan consensus. La'ós ho de'it órgaun estadu, instituisaun públiku maibé mós ho privadu.

Iha organizasaun fetu Timor-Leste ne'ebé bar-barak, ne'ebé iha nia sombriña rasik, ne'ebé ha'u hanoin presiza promove fetu iha knar ida ne'ebé sidadaun nian par bele lori sira ba participa dí'ak liu tan. Para isso, presiza política ida ne'ebé governu nian loos atu bele sai hanesan liña de orientasaun política ba fetu sira.

I apartir da I, prantu, organizasaun sira seluk maske ket-ketak sira bele hamutuk ou bele keta-ketak bele implementa polítika Governu nian kona-ba fetu nian.

Ate agora ita rona de'it kona-ba jender, as vezes kona-ba persentajen fetu ba tuur iha Parlamentár, as vezes it ko'alia kona-ba quota fetu nian iha partidu polítika. Ba ha'u ida ne'e pasu ida, mais ba ha'u ne'e seidak to, tanba ha'u hakarak apostu na qualidade. Qualidade ba fetu par ba partisipa, da e a que formasaun, kontinua ho polítika, ekonomia, sosiál, kultura. Ba ha'u ida ne'e tenke importante nafatin, no enkuadra iha polítika governu nian par atu bele hala'o ba oin.

Konstituisaun fó knar lubuk ne'ebé importante ba PR, karik eleitu, knar ida ne'ebé mak sei sai ita-boot nia prioridade durante tinan lima oin?

Ha'u labele prioriza prioridade sira husi kompeténsia ne'ebé konstituisaun fó tanba kompeténsia mak kompeténsia, ba kualkér aktu Polítika ida ne'ebé Prezidente Repúblika hola ne'e aktu estadu nia.

Ha'u hatene katak kompeténsia mak kompeténsia, dala ruma konfronta ho situausaun, PR sei uza nia kompeténsia sira hodi kumpre nia devér funsaun hanesan Prezidente Repúblika.

Kandidatu Prezidente, Konstituisaun hatún prinsipiu separasaun podér, nudár kandidatu Prezente, saida mak ita-boot sei halo hodi garante check and balance entre órgaun estadu sira?

Prinsipiu separasaun deveres la hatene katak, kada podér Polítiku hala'o nia exercisio nia podér ne'e iha nia kuartu laran, maibé tuir ida-idak nia kompeténsia no ha'u konsidera katak hanesan órgaun autónoma entre sira ne'e hotu maibé sempre iha relasaun interdependensia entre órgaun sira ne'e hotu para hala'o sira nia knar.

Importante Prezidente Repúblika hala'o nia kompeténsia rasik hanesan lia hun, bele mós hanesan partiladas ho órgaun sira seluk atu bele halo desizaun ida hakotu.

Ita liu husi esperiénsia barak, bele sarta kompeténsia sira hodi hala'o nia kompeténsia loloos atu lori ita nia estadu ne'e ba oin, ida ne'e signífika katak iha interdependensia iha órgaun soberanu sira.

Kuandu Parlamentu Nasionál halo lei, Prezidente Repúblika nia funsaun no podér halo kontrolu ba lei sira ne'e hotu, PR halo fiskalizasaun ida la'o tuir prosesu ate aprovasaun final, husik sorin seluk PR mós halo kontrolu signífika katak labele haree de'it lei ne'e para asina de'it maibé tenke analiza, tenke haree fila fali ba konstituisaun, ninia relasionamentu no sistematizasaun ho Konstituisaun hanesan ka lae, no mós ba lei sira seluk para haree too pontu ida ne'ebé mak lei ne'e labele soke malu.

Muito menus labele soke fali konstituisaun para assume de'it nia kompeténsia atu veta ga promulga, se karik lei sira kontra konstituisaun hanesan aktu kontrolu ida bele haree hodi deside tuir kompeténsia mak iha.

Kandidatu rasik mós nudár presidente ba Partidu ida ne'ebé boot tebes-tebes iha Timor ne'ebé iha Posibilidade bele ba ukun iha tinan 2017, nudár Prezidente Repúblika, nudár símbolu ba unidade nasional no independénsia, saida mak Prezidente Repúblika Dr. Luolo sei halo garante katak ninia desizaun sira labele iha konflitu interese maske ninia Partidu FRETILIN mak kaer ukun iha tinan 2017 ba oin?

Prezidente da Repúblika em prinsipiu labele halo opozisaun ba Governu, nein tao Poco ba Parlamentu Nasionál no muito menus interfere iha tribunais sira.

Prezidente Repúblika bele kumpre de'it nia knar hanesan Xefe estadu ida. Mai ha'u bainhira maioria iha Parlamentu Nasionál ne'ebá, karik ha'u nia partidu mak ba, naturalmente ha'u sei kumpre de'it ha'u nia kompeténsia hanesan PR para atu haree aktu rejislativu husi Parlamentu Nasionál.

PR iha podér atu kontrolu ba Parlamentu Nasionál nia, ha'u tuir de'it maioria nia vontade, dezde vontade ne'e loos maske ha'u nia partidu mak maioria, ha'u labele halo opozisaun ba maioria enkuantu maioria ne'e ninia pozisaun los.

Nudár Prezidente ba Partidu boot, bainhira eleitu hanesan Prezidente Repúblika, Dr. Luolo pruntu atu husik nia knar hanesan Prezidente Partidu? Atu asegura independénsia instituisaun ne'ebé ita-boot hola parte ba?

Laiha lei ida mak hatete katak Prezidente Partidu ida husik hela nia kargu kuandu nia sei sai Prezidente Repúblika, kuandu ha'u eleitu sai Prezidente Repúblika uma ves toma pose, aktu de investidura vale hanesan Prezidente Repúblika ona.

Ha'u mós hatene inkompatibilidade funsaun Prezidente Repúblika ninian. Inkontablidade balun institusionais, iha fali seluk inkontablidade komún.

Ha'u nia partidu nia bele tama iha inkotablidade komun, ha'u rasik mós bele deklarara para bele suspende ha'u nia funsaun hanesan Prezidente da Repúblika, para asume unikamente funsaun nudár Prezidente Repúblika.

Daudauk ne'e TL seidauk iha Fronteira Maritima ida ne'ebé permanente no nia viziñu hanesan Australia no Indonézia Fronteira teresteres mós seidauk iha liña ne'ebé klaru, Prezidente da Repúblika ba Prezidente ida ne'ebé soberanu, saida mak prezidente Repúblika Dr. Luolo sei halo atu bele garante katak Timor-Leste labele lakon tan pedasuk husi tasi ka rai ba nasaun seluk nia domisaun? iha tinan kotuk iha manifestasaun boot husi Povu atu hetan direitus Fronteira Maritima tuir prinsipiu no direitu internasionál, nudár Prezidente da Repúblika, saida mak ita-boot sei halo hodi garantia soberania ida ne'e?

Prezidente Repúblika, tuir ita nia konstituisaun Repúblika hatete katak nia halo defeza no garante soberania nasional atu halo mós hahí nafatin ninia rai no povu ne'e tomak, tantu estadu ho nia totalidade.

Relasaun ho Fronteira Maritimas, ne'e konstituisaun rasik hatete katak, sasukat kona-ba tasi ninia atu ba too iha ne'e no rai seluk nia ba too iha ne'ebé, ha'u sei tuir de'it konstituisaun hatete.

Ha'u hakarak tuir konstituisaun hodi bele rezolve Fronteira Maritima ka fronteira teresteres tuir nafatin direitu internasionál ne'ebé mak ita simu iha ita nia ordenamentu jurídiku.

Ne'e vale hanesan ita nia lei, liu husi konvensoens internasionál sira hatete presiza rezolve problema hirak ne'e liu husi dalan diálogo nia.

Naturalmente Prezidente da Repúblika, buat ne'ebé la'o ona daudaun ne'e, Prezidente da Repúblika kaer metin nafatin ida ne'e. Hatete katak ha'u sei defende nafatin ita nia soberania nasional, soberania ita nia tasi, rai, laléhan no soberania povu nia no ita nia lei sira nia, no tuir de'it direitu internasionál sira.

Agora daudaun, esforsu boot husi Governu ne'ebé lidera husi maun boot Kay Rala Xanana Gusmao hodi negosia ita nia fronteira Maritima ho Australia ohin kandidatu esplika ona prinsipiu balun relasaun ho defimitasaun Fronteira Maritima, Política espesífiku ka konkretu saida mak Prezidente Repúblika Dr. Luolo sei intrudes atu apoiu prosesu negosiasaun ida ne'e?

Atu kee liu tan ida ne'e ha'u labele tanba ha'u mós membru ba konsellu delimitasaun Fronteira Maritima ida ne'ebé aspetu balun ha'u labele hatete.

Maibé ha'u hakarak hatete de'it katak prosesu ne'e la'o hela tuir nia dalan. Foin daudaun Australia loke nia vontade para halo negosiasaun kona-ba delimitasaun definitivu liu husi komisaun konsiliaaun ne'ebé kaer hela kazu fronteira Maritima. Ha'u sente katak ida ne'e vontade dí'ak ona husi Australia no TL para ita bele hetan solusaun. Ha'u bele fiar ba Konsellu dilimitasaun Fronteira Maritima liu husi Sr. Kay Rala Xanana Gusmao para halo ida ne'e.

Iha relatóriu CHEGA, fó rekomendasau lubuk katak Timor-Leste, Indonézia no Komunitade Internasionál presiza harii mekanizmu justisa ida ne'ebé kredível autór sira ne'ebé komete krime grave kontra umanidade durante okupasaun militar Indonézia. Nudár Prezidente da Repúblika Política saida mak ita-boot sei intrudus atu asegura katak vítima sira durante funu ne'e bele hetan justisa?

Komunidade Internasionál husu fali mai TL ida ne'ebé foin ukun an, rai ida ne'e kikoan, rai ida ne'ebé iha problema ne'e oin-oin para halo fali justisa ba krime grave sira. Ha'u iha ne'e hatete ba komunidade internasionál sira katak asuntu ne'e sira nia responsabilidade duni para halo ida ne'e.

Dezde komunidade internasionál sira decide atu halo justisa ga oinsá ho Timor-Leste ki'ikoan labele hola pasu para la'o ba oin. Antes, pelo kontráriu komunidade Internasionál halo medida saida de'it para halo justisa, povu Timor-Leste hein hela, ida ne'e mak di'ak liu.

Komunidade Internasionál mak decide halo justisa ba ema sira ne'ebé komete krime grave. Ba ha'u hanesan Prezidente Repúblika hatete katak TL presiza mak dezenvolve iha area edukasaun ninia, saúde nia, infraestrutura ninia, ne'ebé ho ekonomia ida ne'e buras para atu garante ita nia ekonomia hodi lori ita nia rai ne'e ba oin, para bele fó esperansa ba ita nia oan sira bara-barak loos ne'ebé agora moris no boot ba daudaun, Komunidade Internasionál mak tenke asume ba kazu krime grave sira kontra umanidade nia.

Saida mak Prezidente Repúblika Dr. Luolo sei halo atu haforsa sistema judicial iha Timor-Leste?

Órgaun soberania ida ne'ebe mak importante mak ita nia judisiariu ou tribunais sira, presiza investe nafatin iha ita nia tribunais sira para tribunais sira funsiona ho didi'ak.

Investe rekursu umanus no investe finansiamentu para tribunais sira ne'e funsiona halo didi'ak, ita tenke asegura katak Konsellu superior de Majistratura, ne'ebé sira mak iha kompeténsia diretamente ligadu ba tribunais no juis sira nia servisu.

Tanba ne'e presiza reforsu iha órgaun ida ne'e, para oinsá fiskaliza juis sira ne'e nia servisu no para halo desizaun. Ita la presiza tan ba interfere iha justisa, tanba ita hakarak justisa ida ne'ebé kredível, justisa ida ne'ebé bele la'o loos no justisa ida ne'ebé iha konfiansa ema hotu ninia, tantu sidadaun nasional no mós ema estranjeiru sira ne'ebé hakarak atu mai ita nia rai ka hakarak atu investe iha ita nia rai. Portantu, sistema judisiariu ida ne'ebé tenke forte no tenke iha konfiansa duni ba ema hotu-hotu.

Nudár Prezidente Repúblika, Dr. Luolo automatikamente sei sai komandante supremu ba forsa armada, durante ne'e ema barak preokupa kona-ba lala'ok ka ema balun husi forsa armada halo servisu la professional, dala barak komete krime kontra komunidade nia, Polítika saida mak Prezidente Luolo sei intrudus, atu nune'e halo ita nia forsa armada sai professional liu?

Se elementu ida ka rua husi forsa armada mak komete krime, sira tenke ba hatán ita tribunal, kona-ba aktu ne'ebé kontra lei.

Hanesan Prezidente Repúblika Realmente iha kompeténsia ida ne'ebé besik liu ba iha forsa armada nia, Prezidente Repúblika tenke koopera hamutuk ho Governu para bele define didi'ak kona-ba Polítika kona-ba defeza no seguransa nia iha Timor-Leste.

Presiza define didi'ak, konseitu defeza no seguransa nasional nia iha Timor-Leste atu nune'e para enkuadra Polítika dezenvolvimentu kona-ba F-FDTL nia inklui mós PNTL nia. Liu husi ida ne'e, ita bele haree ona, saida mak TL halo para ita nia forsa sira ne'e profisionál liu para kumpre didi'ak sira nia tarefa ida kona-ba defeza no seguransa,

Konseitu Estratéjiku defeza no seguransa mak primeiru depois tuir mai iha programa no asaun konkretu para dezenvolve ita nia F-FDTL no PNTL nia.

Depois ita hetan ita nia independénsia mundu ne'e sai oin seluk, ba Timor-Leste, ita laiha inimigu ida maibé krime tranzasaun, krime droga no krime sira seluk kontinua la'o. Tanba ne'e presiza haree, oinsá mak ita iha defeza no seguransa ba ita nia rai no ba ita nia populasau nia nia interese.

Entaun ita presiza iha polítika ida ne'ebé bele enkuadra ba Polítika dezenvolvimentu governu nia tomak, la'ós de'it haree mesak-mesak iha defeza no seguransa ne'e, maibé defeza no seguransa tenke liga ba iha

area agrikultura, saúde, infraestrutura no edukasaun, buat hotu tenke integradu ida, para iha liña Polítika ida hodi orienta ba forsa armada nune'e sira kumpre sira nia papél ne'e ho didi'ak.

Timor-Leste presiza Polítika seguransa no defeza ida kooperativa, bele interna no mós nivel external, defeza kooperativa husi li'ur, ita labele monta de'it seg/security iha uma oin maibé di'ak liu ita monta security iha ita nia Suku, para bele koopera ho povu tomak hodi bele servisu di'ak liu ba ita nia soberania povu tomak nia.

Iha 2015, iha operasaun militar boot ida iha Baucau, liu-liu Laga ne'ebe rezulta eis Komandante Mauk Moruk ho nia elementu mate. Ema barak preokupa katak mate ida ne'e viola prinsipi konstituisaun rasik, nudár Prezidente Repúblika no Komandante supremu Forsa Armada, saida mak Prezidente Repúblika Dr. Luolo, atu asegura katak hahalok sira ne'e labele akontese no aktu ida ne'e labele akontese tan iha futuru,

Krize ne'e mosu dala ida no dala rua ona, sei la mosu iha futuru oin mai, ne'e ha'u hakarak garante primeiru do todo.

Kona-ba kazu Mauk Moruk mate, ha'u hanoin Governu no Parlamentu Nasionál la hola desizaun para ba oho sr. Mauk Moruk. Saida mak ha'u hatene, iha momentu ne'e ha'u la ukun, saida mak hau hatene, atu ba kaer Mauk Moruk para tau iha justisa para nia bele hatán saida mak nia halo ba Polísia sira iha Laga, Sunu karreta no halo buat oin-oin.

Entaun atu lori nia mai para hatán iha tribunal, maibé Sr. Mauk mós halai, halai tutan ba beibeik, too ikus nia reaje hasoru forsa sira kilat ne'ebé nia iha, kuandu nia reaje ona, forsa sira tiru hasoru ona para halo auto defeza aumesmu tempu defeza ba ita nia rai.

Kuandu ha'u ko'alia hanesan ne'e la signifika katak hakarak Mauk tenke mate, dezde prinsipi ha'u nunka hakarak ema ida atu mate iha ita nia rai inklui Mauk Moruk, maibé buat sira ne'e la'o hanesan bee ida karik nakfuriin sai tiha ona no konsekuénsia mak Mauk tenke mate.

Oinsá bele evita ida ne'e atu futuru kazu Mauk nian labele repete fali akontese tan.

Para evita ida ne'e sidadaun hotu tenke partisipa iha dezenvolvimentu Nasionál, garante no konsolidasaun demokrasia, atu halo partidu Polítiku para ba konkore, liberdade para bele halo menus husi uza violénsia para atu lori hetan objetivu Polítiku ne'ebé sira hetan.

Ema barak preokupa katak boa governasaun iha problema, korrupsaun buras titular sira uza Imunidade hodi hasees an husi mekanizmu judisiál, liu-liu kazu Emilia Pires, saida loloos mak Prezidente nia sujestaun ba tribunal ka Governu atu ema hotu bele kumpre mekanizmu judisiál iha Timor-Leste, no mós ajuda katak, Ukun na'in sira, Ministru sira, deputadu sira bele kumpre ka konfortavel ba hahalok ne'ebé sira halo, oinsá halo sira labele boot liu lei maibé la'o iha lei nia okos.

Klaru katak, estadu rasik hakruk ba nia lei no konstituisaun, kuantu mais sidadaun ida mak halo krime, halo nusa mak nia boot liu fali lei.

Ha'u nia hanoin mak ne'e, dezde sidadaun normal ida ka governante ida mak halo krime klaru katak nia tenke ba hatán iha tribunal para atu responsabiliza kona-ba nia aktu rasik aktu kriminál ne'e nia pratika.

Membro Governu ida mak ba halo korrupsaun, dezde iha akuzasaun iha ne'ebé kategoria ba krime ninia naturalmente hasai nia Imunidade ba hasoru prosesu para ba hatán iha tribunal.

La subar nein ema ida mak bele subar iha Imunidade nia okos para monu ba krime ne'ebé nia komete, ida ne'e prezidente Repúblika bele garante, por outroladu Prezidente Repúblika mós garante no intervensaun la'ós direta maibé indereta liu husi mekanizmu legais, husi ninia interasaun ho Governu ga ho Parlamentu Nasionál para oinsá mak bele hadi'a sistema ne'e para sistema ne'e forte para labele fó dalan ba koruptores sira para tama ba governu para ba na'ok fali no ba dezvia fali povu nia soin ne'e ba nia interese rasik.

Klaru tenke kria sistema ida forte, Porkuradoria jerál ida tenke forte no própriu Governu rasik mós iha nia própriu sistema kontrolu para iha para labele iha leet ba halo korrupsaun, kuandu ita dehan iha korrupsaun entaun iha koruptor, ema seluk mós sei hakat tui dalan ne'e iha ona.

Dala barak ha'u hatete ona katak, Korrupsaun hotu, la konta ho ha'u, korrupsaun, nepostismu hotu, ita la'o tuir de'it dalan lei ninia, se mak komete tenke ba hatán iha tribunal.

Ita iha ona instituisaun lubuk ne'ebé atu luta kontra korrupsaun, PDHJ, Komisaun ANTI korrupsaun, iha inspetur jerál no tribunal rasik, nudár Prezidente da República, política saida mak ita-boot sei halo atu haforsa instituisaun hirak ne'e sai forte liu, ne'ebe dala barak sira enfrenta problema hetan obstákulu hodi ba kaer sira ho podér boot iha ezekutivu no Polítiku? Saida mak Prezidente sei ajuda para sira bele barani liu tan hodi aseguira katak soin ida povu nia ne'e bele benefisia ba povu tomak.

Ita kria instituisaun sira ne'e bar-barak para hotu-hotu hamutuk kombate korrupsaun. Dala barak liu instituisaun sira ne'e la funsiona nein ate kombate tan korrupsaun. Antes pelo kontráriu korrupsaun buras ba beibeik, entaun instituisaun barak ne'e dí'ak liu bainhira mekanizmu legais sira bele permite para kombate korrupsaun ida ne'e.

Ha'u hanoin hotu-hotu kooperera para kombate korrupsaun, ba ha'u la'ós instituisaun barak mak sai determina Para kombate korrupsaun, mais importante mak sistema governu ninian, lei sira ne'e hotu ne'e mak tenke forsa para labele loka dalan leet para ema koruptor sira iha.

Bele reforsa de'it prokurador jerál da república para oinsá mak bele, dí'ak liu para hatene tan ema nia hahalok sira ne'ebé korruptu ne'e, lori ba Prosesu tuir tribunal ninia, agora ita kria instituisaun bara-barak, kuandu iha lakuna kona-ba lei ninia ne'ebé sira la konsege implementa.

Interesante atu rona, ema barak preokupa lei dala barak mak fó dalan ba ema atu hetan vantajen no públiku mós kestiona kona-ba lei pensaun vitalisa, ne'e ukun na'in sira halo para fasilita hodi hetan soin estadu nia. Nudár Prezidente República saida mak ita-boot sei halo atu halakon preokupasaun comunidade nia katak lei pensaun vitalisa hanesan formal legal ida ne'ebé fó oportunidade ba ilites Polítiku sira hodi hetan vantajen hodi hetan riku soin molok halo buat ruma ba povu?

Ema barak, kuaze husi media sosiál sira dehan Luolo mak sai fundador ba lei ida ne'e, ha'u hakarak responde iha ne'e, para hatete katak kualkér lei ida la'ós ema ida nia autoriza.

Nein ema na'in rua la halo lei ida para bele vincula estadu tomak atu hasai nia soin ne'e para selu ema barak, hakarak hatete katak, kuandu lei ida mak Parlamentu Nasionál aprova, ne'e lei Parlamentu Nasionál, liu husi Promulgasaun Prezidente República nia too ba diáriu ka jornál da república nia sai ona lei para bele aplika.

Momentu ne'ebé ami halo lei iha momentu ne'ebá ninia razaun fundamental mak ida ne'e, iha primeira lejislatura, ema luta na'in sira mak ba tuur iha órgaun soberania sira, Preokupasaun deputadu sira iha PN primeira lejislatura ninia mak dehan katak, se karik tinan lima tuir mai, sira la eleitu tan karik, oinsá mak sira nia moris ne'e, atu haruka fali sira ba servisu iha toos no natar para fó han ba sira an no sira família rasik, ha'u hanoin ne'e hola parte iha dignidade estadu ninia, mak diskute lei ida ne'e, proposta de lei.

Parlamentu nasional diskute no ami aprova duni iha momentu ne'e, iha 88 deputadu ne'e laiha ema ida mak kontra, hotu-hotu vota afavor no hakarak hotu. Iha altura ne'ebá, lei ne'e aprova pelo unanimidade deputadu sira nia, ate 100% de vensimentu ne'e, altura ne'ebá saláriu ba deputadu sira \$450,

Prinsipiu ida ne'e, aplika iha tinan hirak liu ba, tanba seidauk iha lei barak, veteranu sira seidauk hetan pensaun no ita nia dezenvolvimentu ekonómiku seidauk avansa maibé ikus-ikus ne'e, veteranu sira mós simu osan ona no ema balun mós aumenta nia kapasidade oinsá sai assessor, bele moris dí'ak liu tan, Nudár Prezidente da República, Dr. Luolo hanoin katak lei ida ne'e bele halakon de'it tanba bele moris iha altura ne'ebá la'ós ohin?

Parlamentu Nasionál foin daudaun halo ona alterasaun ba lei ida ne'e hodi define katak, se membru Governu ka Parlamentu Nasionál tinan lima sira hetan 60%, tinan 10 ho 75%, Prezidente da Repúblika kontinua 100% nafatin, alterasaun ida ne'e iha hela Parlamentu nasional nia liman, kabe ba sr. Prezidente Repúblika, ou veta ou entaun promulga, rua ne'e de'it, dalan mak ida ne'e de'it veta ou promulga. Ba ha'u hanesan Prezidente Repúblika, 2017 ba oin ne'e ha'u laiha ona, talvez ita diskute tan,

Durante ha'u nia mandatu mak deputadu sira iha Parlamentu Nasionál mak hakarak diskute, hodi bele halakon ka hodi bele haburas ga ou atu bele hatún, ne'e kompeténsia Parlamentu Nasionál nia, Prezidente Repúblika laiha buat ida ho ida ne'e,

Dr. Luolo pruntu halo alterasaun ba lei ida ne'e rasik?

Alterasaun ne'e bele halo ho promulga oun veto, durante ha'u nia mandatu mak lei ne'e mai ha'u bele hanoin maibé la'ós PR atuál nia para atu altera ka hatún, Parlamentu nasional nia kompeténsia rasik, ne'ebé Parlamentu Nasionál ida tuir mai, sira mak sei haree para oinsá mak bele haree lei ne'e.

Pergunta husi Gaudensio Souza husi NGO FORUM, hanesan ita-boot hatene, prosesu dezenvolvimentu iha demokrasia nia laran, sosiedade sivil hanesan pilares importante ida. Ha'u hakarak hatene karik ita-boot saida hanesan Prezidente, modelu kooperasaun ida ne'ebé mak di'ak liu, ita boot atu halo ho sosiedade sivil, relasaun ho produsaun lei ne'ebé mai husi Governu ka Parlamentu, kuandu ba too iha Prezidente nia liman, presidente sei uza nia kompeténsia, ida mak veto no ida seluk mak promulga, karik ita-boot sai Prezidente sei iha espasu para halo konsultasaun ho sosiedade sivil antes ita-boot veta ka Promulga? Iha ita-boot nia kampaña sempre dehan presidencia aberta, karik ita-boot sai presidente, konkretamente atu halo oinsá?

Oinsá iha kooperasaun entre estadu ho sosiedade sivil, ha'u hatene ona katak Sosiedade sivil la'ós atu sai opozisaun ba sosiedade sivil maibé sosiedade sivil parte integrante estadu ninia para bele koopera ho Governu ka estadu iha area saida de'it, klaru katak sira independente, laiha kontrolu, Governu ka órgaun soberania sira seluk la kontrolu.

Maibé Governu hakarak atu hala'o dezenvolvimentu iha area saida de'it, Governu nia liman ain seidak too iha ne'ebá, Sosiedade sivil mak ba halo servisu ida ne'e, iha ne'e mak sosiedade sivil no estadu halo kooperasaun oinsá para lori sira elementu Partisipativa ba iha dezenvolvimentu nasional nia independentemente husi organizasaun sira nia ida ne'ebé estadu tenke respeita sira nia autonomia rasik.

Maibé sosiedade sivil koopera nafatin ho estadu tomak oinsá mak hala'o dezenvolvimentu ba ita nia rai, liu husi ita nia esperiénsia rasik ne'ebé tinan-tinan Governu fó orsamentu kuaze 10 ou 11 miloens de dolar ba sosiedade sivil, hala'o servisu saida de'it pelo menus hala'o koordensasaun nafatin, para hatene dehan katak ezekusaun husi orsamentu ba sosiedade sivil ne'e ba iha area saida nia, para hatene saida mak halo no seidak halo para governu bele reforsa, ou Governu halo ona ida ne'e, sosiedade sivil halo tan para kompleta liu tan servisu Governu nia.

Segunda pergunta kona-ba presidencia aberta nia, Prezidente Repúblika sei halo presidencia aberta duni, ha'u lakohi hatete dehan vizita ba comunidade, iha instituisaun bara-barak iha ita nia rai, primeiru de tudo ha'u hakarak loke ha'u nia gabinete ou loke presidencia aberta ataves diálogo ho instituisaun publika no mós privadu inkluidu sosiedade sivil kona-ba asuntu saida de'it mak ita hakarak diskute.

Ita tenke lori malu para too iha pontu de enkontru ida para ita koopera malu di'ak nafatin maibé entermus konkretus ita haree tan lai sá polítika mak ita sei halo iha tempu oin mai, oinsá ita lori sosiedade sivil too iha enkuadramentu ida tuir sira nia programa ne'e para ita bele koopera malu nafatin. Ida ne'e mak Prezidente da Repúblika iha tempu oin sei halo karik para bele lori ita ba dalan diálogo para ita hotu-hotu bele intende malu.

Prezidente Repúblika bele konsulta asuntu seluk ho Sosiedade sivil, kona-ba lei sosiedade sivil la'ós órgaun soberania ida para presidente Repúblika ba konsulta fali, presidente repúblika uza nia kompeténsia uza nia kompeténsia para veta ou promulga, ida ne'e de'it.

Bele rona opiniaun, maibé opiniaun sosiedade sivil nian labele vincula iha Prezidente da repúblika para atu halo veta ka promulgasaun. Sosiedade sivil ka NGO sira nia inisiativa para hakerek karta ba para hato'o sira nia pontu de vista. Ha'u hatete ona katak ne'e la vincula órgaun de soberania ida ne'ebe iha nia desizaun rasik, automatikamente la vincula, para afavor ba opiniaun NGO A ka NGO B.

Prezidente Repúblika mós naturalmente servisu ho ema seluk para atu hatene too iha ne'ebé mak hatene osan ne'e legal ou ilegál, osan ne'e too ga la too, ou domíniu ka aumenta Prezidente Repúblika akompaña prosesu ne'e tomak ne'ebé mak sei halo diskusaun iha Parlamentu nasionál, ha'u hatete hanesan ne'e la nega sosiedade sivil hato'o nia opiniaun, presidente Repúblika simu nafatin maibé labele vincula PR nia desizaun.

Kandidatu Prezidente, Timor-Leste nia ekonomia depende maka'as ba rekursu mina rai no ita hatene iha tinan hirak kotuk ita nia rendimentu mina-rai tun ho razaun tanba lubuk inklui razaun prinsipál ida mak rezerva mira rai sira mak atu maran ona, bayu undan ne'ebé sei iha agora ne'e sei maran iha tinan tolu ka hat tuir mai, ida ne'ebé sei maran iha tinan tolu ka hat oin mai, maske knar dezvoltimentu kabe ba Governu nia, saida mak Prezidente Repúblika sei sujere ba governu para atu dezvoltolve hodi bele substitui rendimentu mina-rai para dezvoltolve Timor-Leste iha futuru.

Ha'u iha konsiénsia kona-ba fundu mina-rai ne'ebé ita-boot foin husu, Konsiénsia klara kona-ba ida ne'e, osan Mina rai ne'e mai husi tasi okos, la'ós ema ida mak prodús mak ita ra'ut fali, maibé natureza mak fó ba ita ne'e sorte boot, importante mak ita hasai osan ne'e ba investe iha area saida de'it mak fó retunu fila fali ba ita para garante dezvoltimentu sustentável ba iha futuru.

Se ita hasai osan ida ne'ebá ne'e mai para halo kunsumu improditivu, ha'u hanoin susar tebe-tebes maibé ita hasai osan para ba investe iha area edukasaun, saúde, infrastrutura no sira seluk, ha'u hanoin ita bele hetan fali nia returnu.

No bele mós, osan ida ne'e únika fonte mina-rai ninia ne'ebé agora ita uza, kuaze 90%, osan husi mina rai nia mak halo orsamentu jerál estadu nia, reseita husi rai laran ne'e utoan. Ba ha'u nia hanoin, hori ne'ebé kedas ona katak osan ne'e, mai ita bele investe iha are sira seluk ida ne'ebé mak bele iha mós returnu fila fali para sai alternativu hodi hetan rendimentu, hanesan are Turizmu ne'ebe importante tebes

Para iha turizmu ida di'ak presiza iha planu ida integradu, kona-ba infrastrutura, ai han, entrada no bee, para turizmu ne'e sai fonte alternativa ba reseita iha Timor-Leste.

Realidade iha tinan sira ikus ne'e, ita nia aproximasaun ba dezvoltimentu, halai liu ba iha gastu ida maka'as, ita depende ba importasaun foos husi rai li'ur, ita nia despeza para halo mega projetu sira ne'ebé NGO hanesan La'o Hamutuk konsidera katak ne'e hanesan fakar osan, nudár Prezidente Repúblika, karik ita-boot nia periodu mandatu mak Governu Timor-Leste kontinua gasta osan ba importasaun no ba projetu boboot sira ne'ebé nia justifikasaun retunu la dun klaru, saida mak ita-boot sei foti atu ajuda Governu Timor-Leste bele fó prioridade ba setór ne'ebé Dr. Luolo temi?

Ba ha'u nia haree, ita tenke halo produsaun iha ita nia rai laran, ita tenke prodús para garante ita nia auto sustentabilidade. Ha'u hatene katak ita nia sosiedade ne'e mai husi sosiedade produtór independente ki'ik ida ne'ebé sira prodús para ajuda sira nia sobrevivénsia rasik.

Governu rasik kuandu hasai osan tenke investe iha area agrikultura nia para oinsá atu agrikultura ida ne'e bele sai sustentabilidade maka'as liu ou di'ak liu para ita bele moris. Se ita la halo ida ne'e, ita depende hela nafatin ba ema nia foos.

Timor-Leste iha rai barak ne'ebé mak para bele halo produsaun no garante ba konsumu ba ita nia rai iha periodu hamlaha ninia ita bele konta, maibé kuandu ita prodús ita bele garante ita nia sustentabilidade.

Interese duni atu dada dezvoltimentu ekonómiku ida ne'e, governu ida ne'e, tuir nia planu Estratéjiku dezvoltimentu nasional, iha prioridade lubuk, tasi mane hanesan projetu prinsipál ida ne'ebe sai prioridade ba Governu. Maibé projetu tasi mane ne'e iha relasaun ho atividade mina rai no indústria extractive ne'ebé sei han area agrikultura barak. Ohin Kandidatu dehan presiza investe ba setór agrikultura, maibé iha tempu ne'ebé hanesan investimentu ba setór agrikultura menus 2% kada tinan no rai bokur sira ba agrikultura, Governu foti ba projetu boot sira, Karik ida ne'e mak akontese iha Dr. Luolo nia mandatu, saida mak hanesan sujestaun ba governu para aumenta produsaun agrikultura.

Ha'u hanoin, ida ne'e Governu ninia ne'ebé presiza governu tenke deside iha nia programa rasik, para bele halo implementasaun rai laran ninia. Ligadu ba iha Projetu Tasi Mane ninian, parese iha alvu prinsipál liu ba projetu ida ne'e ninia mak atu lori mina mai para tais iha ne'ebá.

Kona-ba agrikultura no buat sira seluk ne'e hanesan parte integrante ona iha projetu tasi mane ninia, ba ha'u nia mandatu, ha'u sei ko'alia ho Governu, ne'ebé mak tuir mai para oinsá mak ita bele garante sustentabilidade projetu boot iha tasi mane ninia para nia rezultadu ne'e fó ninia retornu mai ita nia rai.

Karik greater sunrise la dada mai, tanba projetu ida ne'e dezeina ba Projetu Sunrise, agora mós iha problema tanba ita disputa ho Australia, karik Sunrise labele mai, karik sei mai mai iha tinan 20 tan, nudár presidente da República, nafatin dudu para kontinua iha projetu ida ne'e ga husu ba governu atu iha alternativa utilizaun ba rai agrikultura ida ne'e?

Se ita halo de'it provizaun ba 20 anos ninia, mak dehan katak mina ne'e seidak mai, naturalmente governu sei halo nia Política alternativa ida para oinsá atu bele di'ak, hodi osan estadu nia para investe para atu kontinua ka iha alternativa seluk ka dalan seluk ida para halo, ne'e futuru governu mai para halo ida ne'e.

Futuru Governu sei la sees husi koligasan ne'ebé akontese iha kandidatu presidente agora, iha possibilidade FRETILIN ho CNRT bele akontese, nudár presidente República sei sujere ba ita-boot nia partidu rasik iha Governu laran atu dezenvolve setór agrikultura ne'e?

Ha'u hatete ona katak setór agrikultura importante tebe-tebes, ha'u sei sujere ba governu para kontinua ate halo di'ak liu tan, kria infrastrutura rasik para produsaun ne'e bele sae, hanesan esperiénsia Oecuse ninia. Ne'ebé mak halo barrajen boot ida ne'ebá atu bele sustenta natar boot sira, hektar kuaze atus resin iha Oecusi ninia, iha rai boot ne'e mós ita bele halo.

Importante mak governu tenke halo planu integradu ida ne'ebé ko'alia kona-ba agrikultura ninia hodi bele dezenvolve di'ak liu tan. Portantu irrigasaun sira tenke iha no oinsá mak ema sira ne'e tenke partisipa iha agrikultura ninia. Ita haree katak oras ne'e ema mai hotu moris iha Dili, kuaze produsaun ne'e menus, produsaun ba batar ne'e menus liu, kuda de'it iha uma sorin ne'e para isin ne'e han koi-kois de'it ne'e too ona.

Ema hotu mai Dili tanba agrikultura subsistencia rasik labele ajuda sira para moris di'ak, buat ida ne'e estraga husi política importaun Governu nian. Ita haree katak ita nia foos rai laran labele kompete ho foos rai li'ur tanba ne' obriga agrikultór sira muda profisaun husik hela area rural hodi mai hela iha Dili. Saida mak Presidente sei sujere para Governu sei fó valor ba produsaun husi produktu agrikultór rasik.

Ha'u hanoin, presizu povu ne'e tenke prodús duni, qualidade ne'e di'ak no kria mós merkadu para hatama ita nia produsaun lokál ninia, produsaun ida ne'ebé orgánika para atu halo konsume no ema bele sosa, problema mak ita la prodús, ita hotu-hotu hakarak halai mai iha Dili para hein de'it foos husi li'ur mai.

Oinsá mak ita lori ita nia povu ida ne'e para halo produsaun di'ak liu tan, kona-ba Política ida kona-ba Povu kuda governu sosa ne'e falla total, presiza tenke haree fila fali oinsá mak povu ne'e bele kuda para han no

fa'an, hadi'ak kualidade di'ak liu para tama iha merkadu para ema sosa, la'ós governu mak sai fali komersiante para sosa para fa'an tutan.

Daudaun ne'e, ita nia comunidade barak labele asesu ba ekonomia formal ne'ebé ita nia governu kria, sira barak sai negosiante abulante iha kapitál Dili, maibé dala barak iha tempu hanesan Governu sempre uza dekretu lei kona-ba ijene no orden públuku hodi bandu sira para labele fa'an iha kapitál Dili, maske Governu bele dehan ida ne'e sei estraga ambiente no soe fo'er, maibé tempu hanesan se sira la fa'an sira laiha osan para selu nia oan sira ba eskola, ha'u seidak haree Polítiku sira, Prezidente Repúblika ka membru Parlamentu ida koko reprezenta sira nia opiniaun, nudár presidente da Repúblika saida mak Dr. Luolo sei halo atu ajuda katak ema ki'ik sira labele marjinalizadu husi prosesu dezentvolvimentu ekonómiku rasik?

Ba ha'u mak presiza define ka presiza vendedór sira ne'e tau iha nia fatin. Nia produtu sira ne'e iha fatin ida ne'ebé iha kondisaun para sira bele fa'an no ema ba atu sosa.

Kuandu fatin laiha, dala ruma sira ba fa'an iha lurón sira ne'e, ita nia Polísia sira ba duni sai sira, kaer sira nia produtu sira ne'e ba tasi laran ka lori ba fó ba ema seluk ka ba sira nia an maibé ida ne'e ha'u la hatene.

Kuandu bandu hotu tiha de'it, Realmente sira laiha osan para lori selu sira nia oan sira ba eskola, Governu tenke tau atensaun ba ema sira ne'e hotu. Tenke tau matan para sira kontinua fa'an sira nia produtu sira ne'e para ema sosa.

Timor-Leste daudaun ne'e mós hakarak sai membru ASEAN, maibé peritu ekonómiku barak no academia balun hanoin katak se Timor-Leste tama ba ASEAN agora, ne'ebé adopta prinsipi merkadu livre, ida ne'e sei prejudika liu tan ita nia agrikultór ne'ebé ohin Dr. Luolo dehan presiza atu apoiu. Nudár Prezidente Repúblika, oinsá ita-boot bele fó hanoin ka iha Polítika ruma ne'ebé bele ajuda katak sai membru ba ASEAN labele fó implikasaun negativu ba iha agrikultór sira.

Antes Pelo kontráriu, hakarak hatene de'it katak, se ita tama ba ASEAN prepara ita nia produsaun rasik, para tama iha merkadu, agora se ita nia rai la prodús ita tama ba iha ne'ebá halo saida, ba buka saida iha ne'ebá?

Kuandu ita tama ASEAN, ita tenke tuir no Kumpre ona nia rekeztus sira ne'ebé mak iha, rekeztu ida mak iha laiha produsaun atu tama ba merkadu. Rua loke fronteira ne'e halo oinsá mak ita ba kompete, kapasidade téknika professional ita ninia para tama iha merkadu para iha kapasidade para halo kompetisaun nune'e hetan servisu.

Kuandu ita seidak prepara ita nia an didi'ak mak ita loke uluk Fronteira, kuandu ita seidak prepara ita nia an didi'ak, envezde ita mak sai ba liu, ema mak mai nakonu tiha iha ita nia rai. Ita bele sai membru ba ASEAN, kuandu asina akordu ka konvensoens ruma para Timor-Leste sai membru ASEAN nia.

Bainhira too iha retifikasaun karik, presiza ita tenke tau rezerva balun, para ita bele prepara ita nia an para tama sai membru plenu diretu ba ASEAN ninia. Ha'u seidak hanoin katak atu halo mapamentu ida para Timor-Leste atu sai ba membru ASEAN, nein tinan ida nein tinan rua.

Ba ha'u, ha'u eleitu karik sai Prezidente Repúblika, ha'u sei ko'alia nafatin ho Governu para oinsá ita prepara ita nia an para sai membru ba ASEAN nia para bele kumpre ita nia obrigasaun sira internacionais no rejiaonais sira nudár obrigasaun hanesan membru ASEAN ninian para ita nia povu bele hetan benefísiu.

Kuandu ita tama ba laran mak ita la hetan benefísiu oinsá mak bele di'ak, la'ós de'it kapasitasaun dezentvolvimentu ita nia maibé tenke hametin liu tan ita nia Governu iha area sira hotu, administrasaun Publika ita tenke hadi'a, edukasaun, saúde, agrikultura no infrastrutura, buat sira ne'e ita tenke hadi'a para sai ba lí'ur para sai membru ida.

Pergunta ikus, Ema barak preokupa hela Projetu ZEESM, povu barak seidak hetan informasaun loloos, nudár presidente da Repúblika, saida mak Dr. Lú-Olo sei halo hodi ajuda povu Timor-Leste bele hetan informasaun sira relasaun ho projetu ZEESM, ema haree ne'e sensitivu uitoan tanba relasaun entre

Kamarada ho Kamarada, Saida mak Dr. Luolo sei halo atu nune'e povu bele hetan informasaun di'ak liu no desizaun ida ne'e la kria konfliktu interese entre Prezidente Repúblika ho sira ne'ebé halo knar iha ZEESM rasik?

Deskonfia de'it entre Kamarada ba Kamarada, ida ne'e la too ida, ne'e la'ós razaun fundamnetal para lori halo ZEESM. ZEESM ne'e projetu boot ida, Projetu boot estadu ninia, estadu investe ninia osan iha ne'ebá, projetu ida ne'ebé ita bele dehan nia lori tempu mak mai nia sei fó returnu di'ak ba Timor-Leste.

Partikulármente ba Oecuse ninia, ne'ebé ha'u fiar katak ZEESM ne'ebé ita hala'o daudaun agora husi Dr. Mari Alkatiri, ida ne'e sei dezenvolve di'ak liu tan, duke ita halo, dezenvolvimentu ne'e liu fali husi aldeia. Se ita halo husi aldeia ida-ida akaba por akaba, ita la hetan rezultadu ida, presiza iha planu integradu ida hanesan Oecuse.

Ha'u fiar katak, tinan 5 ka 10 mai ita sei halo dezenvolvimentu di'ak liu tan, Ha'u eleitu karik ba Prezidente Repúblika, ha'u sei ko'alia ho Governu para pelo menus hola netik modelu dezenvolvimentu iha Oecusi, ha'u fiar katak tinan 5 ka 10 ma, ita nia dezenvolvimentu sai di'ak liu tan, para implementa iha ita nia rai hodi lori Timor-Leste ne'e ba oin, ho dezenvolvimentu ida ne'ebé sustentável duni.

Ne'e ita investe osan maibé ita sei hetan fali returnu husi ita nia investimentu ida. Ne'ebé ha'u rasik se ko'alia hamutuk ho governu atu oinsá hala'o dezenvolvimentu ida ne'ebé di'ak ba oin. Mas dala ida tan ha'u atu hateten katak projetu ZEESM iha Oecuse la'ós kamarada ninian, maibé projetu estadu nian, nee ha'u hakarak hateten klaru.

Ne'ebé lalika deskonfia katak Lo-Olo sai PR, atu halo tuir ZEESM nian ka la halo tuir ema nia hakarak. Maibé se projetu ida nee di'ak para bele hadi'ak ita nia rain no hadi'ak povu ida nee nia moris, klaru ida nee tenke hala'o.

No buat seluk ha'u hakarak hateten mak se projetu ida nee di'ak bele sai hanesan referénsia ka modelu ba dezenvolvimentu ida ba ita nia rai.